

青
海
秦
疏

青

海

春

疏

青海奏疏

為循例致祭

海神並會盟緣由恭摺具陳仰祈

聖鑒事竊查每歲秋季奴才應循例舉行祀典並傳會青海蒙
古歷經遵辦在案本年秋祀屆期奴才遵即分別預傳蒙古
王公札薩克臺吉等先期齊集盟所並准督臣左宗棠例委
陪祀官甘肅西甯鎮總兵何作霖隨同前往致祭於七月十
九日選帶馬步營隊自甯起身出口至察漢托洛亥地方於
二十三日寅刻敬謹致祭

海神次日齊集各蒙古王公札薩克臺吉等會盟俱各按品

入
筵將承辦綢緞袍褂衣料翎頂小刀茶封等物分別
賞給其各族千百戶番目亦均從優給賞該王公札薩克臺吉
等均歡呼頂感望

闕叩謝

天恩訖其應祭鄂敦他拉阿拉克諾爾等處奴才察照向例派
令就近住坐之札薩克臺吉琿達什前往代祭奴才即於是
日折回由丹噶爾一路旋署再查西甯南川地方遼濶山高
峽險通透海面草地向無行旅往來為零星番匪藏匿之所
每乘閒出竊民間牲畜如鼠如蛾捕捉頗難施力近來地方

平靖百姓牲畜遠牧荒野往往被竊昨經奴才會商左宗棠
劉典將奴才所部駐防碾伯縣一營抽調移紮南川以資防
範猶慮該處叢山雜沓一營未能一時窮搜是以奴才此次
祭海改道由南川一路行走十九日由郡起程繞尋口卡計
一百四十餘里至大硤地方見山路陡險共通透口外山硤
三處曰青石硤曰門担峽曰大峽峽寬八九十里不等統灘
道於分水嶺次日奴才派令隨帶隊伍分山路搜山並進及
奴才抵分水嶺據管帶左營總兵蔡正和向稟該營由青石
硤進至紅帽爾盤道地方於幽崖下搜見伏賊六名當即飭
勇擒拏該匪竄巖踰澗四路狂奔旋經追捕擒獲三名奪獲

馬四匹帶鞍騎牛一頭番刀叉槍三件搜其腰纏並無銀錢
食物顯係番匪無疑唯詢其言語支吾不肯承認除發交丹
噶爾廳訊辦外理合將奴才循例舉行秋祀會盟並改由南
川行走搜山拏獲番匪情形謹繕摺由驛具陳伏祈

皇太后

皇上聖鑒謹

奏

軍機大臣奉

旨知道了欽此

再查西甯地方山高土厚每當春夏之時雨澤往往苦少奴
才抵任後以青海為西疆衆流灘歸總司水部之神夙昭靈
顯率同官民遙望青海虔禱祝輒見雲氣自西南起甘霖
大沛數年以來每遇亢旱屢禱屢應歲得豐稔因查西甯郡
城向無海神廟宇奴才遂經捐廉在於城西負郭建修海神
廟一座內供青海之神牌位以為官民禱雨之所伏思郡城
既建有青海神廟必得由地方官歲時致祭方足以答
神庥除每歲秋間奴才遵照部頒典禮前赴察漢托洛亥地
方敬謹致祭外

天恩准將郡城新建青海神廟

飭部察例定議祭品典禮行知陝甘總督轉飭西甯地方官遵
照春秋致祭以崇祀典而伸讚祝是
否有當理合附片陳請

伏祈

聖鑒訓示謹

奏

單機大臣奉

旨禮部議奏欽此

再奴才於七月二十三日在於察漢托洛亥盟祈接據青海
左翼正盟長貝勒綱增卻克多布右翼正盟長郡王集克默
特納木加立多爾吉副盟長貝勒拉旺多布吉會同左翼郡
王一員貝子一員公三員臺吉六員右翼貝子二員公一員
臺吉七員聯名呈稱我們蒙古衆王公臺吉住牧青海地面
輩輩身受

大皇帝重恩平安住坐但我們蒙古百姓與內地農民不同全
靠牧養牲畜為生我們地方海神自從前蒙

大皇帝敕封靈顯神號又每年遣官致祭我們均叨人畜平安
水草暢茂皆賴神靈保護懇祈轉奏

大皇帝與我們海神

賞賜匾額並

加封號等情前來當經傳詢各該王公等面辯從前回匪變亂
時每到海面滋搶輒有大霧瀰漫風雨驟至伊等多免毒害
藉能瓦全實賴海神護佑歷述靈蹟咸深感戴奴才伏查青
海之神久著靈異前於雍正四年欽奉

特旨敕封靈顯神號在案今該王公等聯名呈請匾額封號查
其情詞係為庇佑蒙疆起見可否俯順眾情

賞賜匾額並

加封神號之處出自

逾格鴻施理合附片具陳伏祈

聖鑒訓示謹

奏

軍機大臣奉

旨另有旨欽此

光緒三年八月二十日內閣奉

上諭豫師奏神靈顯應請頒匾額並加封號等語西甯青海地
方前有回匪滋擾仰賴

海神護佑得保安全實深寅感著南書房翰林恭書匾額一
方交豫師批領敬謹懸掛以答

神庥所有請加封號之處著禮部議奏欽此

光緒三年九月十三日准

兵部火票遞到

欽賜海神匾額

威靖河湟

為請

青事竊奴才據代理札薩克喇嘛察漢諾們罕旗印務之青海

右翼副盟長札薩克多羅貝勒拉旺多布吉呈稱察漢諾們

罕旗協理臺吉觀吹札並報章京等呈稱我們師傅察漢諾

們罕於同治十一年間圓寂以後我們不時前往就近蒙古

番子地方查我得吹布藏寺所屬番子多爾吉車場之子拉

布坦現年五歲本旗百姓夏木扎勒之子索納木現年六歲

看似我們師傅呼弼勒罕我們同往二子家內將先世需用

念珠鈴杵什物並尋常喇嘛需用念珠鈴杵什物二分一併

擺放令這二子認識俱將先世需用什物全行明白識出我

們一旗僧俗百姓等同為情願將這二子作為呼弼勒罕因
此我們呈報盟長轉呈具

奏求定等情呈請前來 奴才 查得察漢諾們罕係青海大喇

嘛有管理民人辦理旗務之任每圖寂後應遵

旨照例尋找歲數相符二子由西藏大臣並達賴喇嘛同視入
於大昭金瓶內供獻制筆籤指示在案今該協理臺吉等呈請
將這二子名字入於金瓶內制筆定呼弼勒罕可否之處 奴才
未敢擅便為此謹

奏請

旨

軍機大臣奉

旨該衙門議奏欽此

為請

旨飭禁四川私販黃茶以符番服而靖海疆會銜恭摺具陳仰

祈

聖鑒事竊查蒙番夙性肉食為糧牧畜蕃滋取資甚便然不飲

茶則膨滯生疾又必攬食炒製始能果腹是糧茶二物為蒙
番仰給內地要需海疆荒寒遼濶番族類雜羣分良莠不齊
動事竊掠施以惠而莫饜貪心糾以法而相率逃匿是以禁
止糧茶為制番命要策溯查青海歷次辦過番案皆有奏定
章程蒙番進口易買糧茶均須由奴才衙門按季請領照票
註明糧茶入畜數目以憑口卡弁兵查驗出入放行久經照
辦在案乃自軍興十餘年來舊章廢弛蒙番率皆私人內地
任便到處辦買口糧漫無稽查甚至番族有偷進口卡在偏
僻處所百十成羣私相交易難保無奸匪濶跡乘間行竊情
事比制番以糧之道失矣茶則又有四川私販暗由松潘茂

州一帶載運黃茶潛入青海地向售賣價廉物廣蒙番得以
居積無所借資內地不但甘商官茶難銷而制番以茶之道
又失矣種茶之道兩失番族無可箝制所以每遇番案追究
查拏諸多費手病實坐此現在內地軍務已平亟應整頓邊
陲重申禁令除已由臣等通飭青海各旗族蒙番照舊請票
沿邊口卡認真查驗外唯禁止四川黃茶必須責成川省臣
等曾經疊次咨行四川總督轉飭嚴禁該管地方官總未實
力奉行率以界口寫違難以巡緝為詞殊不知黃茶乃係大
行必在都市而馱載動以數千計亦易覺察若該管地方官
能禁書役賄縱認真稽查行店商賈必不能從中興販是巡